

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U SREBRENIKU  
BROJ: 30-0-Su-26-000 192-13  
Datum: 07.05.2026. godine

Na osnovu člana 70. stav (1) Zakona o javnim nabavkama (Službeni glasnik BiH, broj: 39/14, 59/22 i 50/24), a u vezi sa Planom javnih nabavki Općinskog suda u Srebreniku za 2026. godinu, predsjednik suda, donosi:

ODLUKU  
o izboru najpovoljnijeg ponuđača

Član 1.

Prihvata se Preporuka Komisije za provođenje postupka javne nabavke, broj: 30-0-Su-26-000 192-11 od 07.05.2026. godine u postupku javne nabavke radova – Završni radovi na dograđenom II spratu zgrade suda i ugovor će se zaključiti sa ponuđačem Baumax DOO Srebrenik, ponuda broj: 56/26 od 20.04.2026. godine za ponuđenu cijenu nakon e-aukcije od 119.650,11 KM (bez PDV-a) kao najpovoljnijem ponuđaču.

Član 2.

Ugovor o nabavci dostaviće se na potpis izabranom ponuđaču u roku od 15 dana, računajući od dana od kada svi ponuđači budu obaviješteni o izboru najpovoljnije ponude.

Član 3.

Ova Odluka objavit će se na web-stranici Općinskog suda u Srebreniku istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 30-0-Su-26-000 192 od 07.04.2026. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija *najniža cijena*.

Procijenjena vrijednost javne nabavke bila je 119.658,00 KM (bez PDV-a). Obavještenje o nabavci broj: 22630-1-3-28-3-24/26 objavljeno je na Portalu javnih nabavki 08.04.2026. godine.

Komisija za provođenje postupka javne nabavke, imenovana Rješenjem o imenovanju Komisije broj: 30-0-Su-26-000 192-1 od 07.04.2026. godine, dostavila je dana 07.05.2026. godine Zapisnik o ocjeni ponuda, broj: 30-0-Su-26-000 192-10 od 06.05.2026. godine, Preporuku o izboru najpovoljnijeg ponuđača, broj: 30-0-Su-26-000 192-11 od 07.05.2026. godine i Izvještaj o radu komisije broj: 30-0-Su-26-000 192-12 od 07.05.2026. godine, u postupku predmetne javne nabavke.

Iz Izvještaja o radu je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2);
- da su blagovremeno zaprimljene dvije (2) ponude i to:

- ponuda ponuđača Elektrocentar Petek DOO Tuzla, ukupna cijena bez PDV-a 119.658,00 KM,
- ponuda ponuđača Baumax DOO Srebrenik ukupna cijena bez PDV-a 119.650,11 KM,
- da nema neblagovremeno zaprimljenih ponuda;
- da su dvije (2) prethodno navedene ponude ponuđača prihvatljive i ispunjavaju sve uslove i zahtjeve za dostavu ponuda.
- da je zakazana e-aukcija dana 06.05.2026. godine u 13:00 sati.

Nakon što je kreiran Izvještaj o toku i završetku e-aukcije dana 06.05.2026. godine u 13:10 sati, Komisija je konstatovala da je dostavljena najpovoljnija ponuda ponuđača Baumax DOO Srebrenik u iznosu od 119.650,11 KM bez PDV-a. Obzirom da je najpovoljnija ponuda nakon e-aukcije ispod procijenjene vrijednosti javne nabavke, Komisija je dala preporuku da Ugovorni organ, primjenom kriterija najniža cijena, zaključi ugovor sa ponuđačem Baumax DOO Srebrenik.

Finansijska sredstva u Budžetu Tuzlanskog kantona za 2026. godinu za provođenje predmetnog postupka osigurana su Odlukom Vlade Tuzlanskog kantona, broj: 02/1-11-2936-10/26 od 30.03.2026. godine, u skladu sa Programom rasporeda sredstava sa potrošačke jedinice 11010002 – Kapitalni izdaci za korisnike budžetskih sredstava za 2026. godinu.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima i internim aktima.

Ponuđač Baumax DOO Srebrenik je ponudio cijenu nakon e-aukcije od 119.650,11 KM (bez PDV-a). Budući da je ponuda ponuđača Baumax DOO Srebrenik najpovoljnija i ispunjava sve uslove i zahtjeve za dostavu ponuda, u skladu sa članom 70. Zakona o javnim nabavkama BiH, odlučeno je kao u članu 1. dispozitiva ove Odluke.

#### POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri primjerka ili elektronskim putem.

#### DOSTAVLJENO:

1x Elektrocentar Petek DOO Tuzla,  
1x Baumax DOO Srebrenik,  
1x evidenciji  
1x a/a

PREDSJEDNIK SUDA

Muhamed Vejsović

